

六  
典  
通  
考

六典通考序

由三代而上治與道出於一由三代而下治與道出於二古之君天下者必負神靈首出之資通于天地之理達于萬物之情故仁義道德以爲之體禮樂刑政以爲之用自井田封建學校至于宮廬車服飲食凡民養生送死之具莫不因時而作之法量宜而設之制其法立其制定雖更千萬祀而莫能易此慮義神農黃帝堯舜禹湯文武所以爲用中建極之聖後世舉無能及焉孔子生當周之末世自謂能言夏殷之禮而深慨文獻之不足徵又曰周監二代郁郁乎文吾從周蓋三聖垂法各有典則畱貽王府至于周而增修之然後燦然大備觀太宰所掌之六典贊以司書貳以太史意此非特

文武周公之所手訂殆卽黃帝堯舜以來所相與承守而勿替者也及周衰諸侯橫恣始大去其典籍重以暴秦之火典章文物掃地以盡漢興高祖起於細微躬冒戎行日不暇給其臣又皆屠販武夫僅一叔孫通收拾殘缺旁貫古儀顧其望慕風旨而爲之者特苟焉抹一時之亟而已至于三帝三王六經孔孟之法度蕙然未之或遑也自茲以還文景之敦尚恭儉明章之崇飾儒術不可謂非天資近道之主然百家並進雜以黃老刑名之言而其本原已大非矣唐則貞觀開元宋則雍熙嘉祐號爲盛平光美曩策而儒者猶時從而譏議之以爲因陋襲舊不過區區一世之小康而非可語于三代致治之隆軌也書曰天降下民作之君作之師又曰亶聰

明作元后元后作民父母故奉一人以統臨天下必有聖明  
作述之才兼父母君師而一之太上以道其次以德其次功  
與德並秦漢以降功有餘而德或不足故其爲治之具一切  
徂于苟簡不能與二帝三王之道符合而擬以父母君師之  
稱往往當之而有慙色焉有宋南豐曾氏嘗推唐六典獨得  
周官精意而明太祖奮起千載之後首罷中書省專重六尚  
書之權幾與周人設官之制無異至於今遂相沿不廢蓋嘗  
聞之天不變道亦不變六經聖人經世之書其言無一不與  
道俱者也漢以後諸君其于道或合或離然考其行事之得  
失可以推見當時之治亂而三三隆典遺文僅賴史家之述  
載以存者未嘗不與經訓相表裏蓋孔子所謂因革損益雖

百世可知者是也往于客浙幕讀秦氏五禮通考甚偉其通博亦頗疑其採取之雜議論之歧使觀者茫洋無端易于憊恍而失所守又以爲五禮者特六典之一端於經旨未爲完具遂慨然有志於是書之作戊子歸經始草創中間困于目疾遠遊咸秦輟業者三四寒暑至於今積十有三年稿完而刻亦竣窮居僻陋藏籍寡眇又無良師友以爲之助淺識謏聞知不免博雅君子之譏然先王之大經大法粗存梗概異日有願治之主節取而參酌之或者于世道興廢治亂不無涓埃之裨補焉此其私心所冀幸千萬一而不敢援以自信者也癸卯春三月石門閻鎮珩自序

六典通考目錄卷全

卷之一

設官考

六官沿革總序 天官沿革

卷之二

設官考

地官沿革 春官沿革

卷之三

設官考

夏官沿革 秋官沿革

卷之四

設官考

冬官沿革 後周冬官府 諸儒冬官補亡

六官沿革表 三公沿革表 九卿沿革表

卷之五

設官考

邦國之官 列國官制

卷之六

設官考

列國官制雜錄 官他國 官私家 相 大夫從士

韓申徒

歷代國官

漢州牧官屬  
宋齊典義

卷之七

設官考

都鄙之官 唐仲友邦畿圖 杜預周世族譜

卷之八

設官考

歷代都鄙之官

卷之九

設官考

復逆之官

號令附

卷之十

設官考

歷代復逆之官 重附

卷之十一 設官考

歷代復逆之官 重附

卷之十二 設官考

官府入法 官屬 官職

卷之十三 設官考

官府入法 官聯 祭祀聯事 賓客聯事 喪禮聯事 荒禮聯事

卷之十四 設官考

官府入法 官聯 軍旅聯事 田役 釐苑聯事 官常

卷之十五 設官考

官府入法 官成 官法 官刑 失刑



卷之十六

設官考

官府八法 官計

卷之十七

設官考

歷代任官之法

卷之十八

設官考

歷代任官之法

卷之十九

設官考

歷代任官之法

卷之二十

爵命考

周爵命

秦二十等

卷之二十一

爵命考

歷代爵命

卷之二十二

爵命考

歷代爵命

卷之二十三

爵命考

衣服之等

卷之二十四

爵命考

車旗之等

簪仗 傘蓋  
旌節 鞍轡

卷之二十五

爵命考

宮室之等

圭璋 贊 笏

卷之二十六

爵命考

符節 歷代符印冊寶

卷之二十七

祿制考

歷代祿制

卷之二十八

祿制考

歷代祿制

卷之二十九

祿制考

周祿田

卷之三十

祿制考

歷代職田

公廨田  
官田

卷之三十一

宮政考

宮政

卷之三十二

宮政考

婦職 染采

卷之三十三

宮政考

親蠶祀先蠶

卷之三十四

宮政考

服飾 楊氏內司服圖

卷之三十五

宮政考

宮車

命婦附

東宮車服

聖附

卷之三十六

宮政考

宮中儀從

南簿儀仗

卷之三十七

宮政考

宿衛

卷之三十八

宮政考

宿衛

卷之三十九

邦計考

周邦計

卷之四十

邦計考

歷代邦計

卷之四十一

邦計考

歷代邦計

卷之四十二

邦計考

歷代邦計

卷之四十三

邦計考

歷代泉貨

卷之四十四

邦計考

歷代泉貨

唐飛錢

宋會子

交子關子

金交鈔

元鈔法

卷之四十五

邦計考

斂餘

平準均輸

預買市易

卷之四十六

邦計考

斂餘

歷代和糴

卷之四十七

膳飲考

膳飲通論

六穀

黍稷粱麥

八珍

六牲

六獸六禽

腊

脯膾臘

骨體

鱗彘

應鱸

互物

齊和之宜

酒式

五齊三酒

四飲

五飲六飲

巾幘

獻賜

卷之四十八

膳飲考

食禮通論

公食大夫禮

公食大夫義

大夫相食

卷之四十九

膳飲考

燕饗通論

王朝饗禮

侯國饗禮

卷之五十

膳飲考

燕禮

侯國燕禮

儀禮燕禮

燕義

燕禮雜錄

卷之五十一

膳飲考

歷代膳飲

賜脯

卷之五十二

膳飲考

歷代燕饗

卷之五十三

膳飲考

燕兄弟

卷之五十四

奄寺考

歷代奄寺

卷之五十五

奄寺考

歷代奄寺

卷之五十六

奄寺考

歷代奄寺

卷之五十七

醫政考

醫政

卷之五十八

醫政考



醫政

卷之五十九

民政考

民政通論 鄉邑之政

卷之六十

民政考

歷代民數

卷之六十一

民政考

農政

卷之六十二

民政考

農政

耕籍  
祀先農

卷之六十三

民政考

歷代田制

卷之六十四

民政考

歷代田制

卷之六十五

民政考

歷代賦稅

卷之六十六

民政考

歷代賦稅

卷之六十七

民政考

歷代征役

卷之六十八

民政考

歷代征役

卷之六十九

教典考

國學之教

天子視學  
天子小學

太子齒學

卷之七十

教典考

鄉學之教

卷之七十一

教典考

奠菜

卷之七十二

教典考

歷代國學

鴻都學

四門學

卷之七十三

教典考

歷代國學

卷之七十四

賓興考

周賓興

鄉飲禮

卷之七十五

賓興考

鄉射禮

卷之七十六

賓興考

歷代賓興

卷之七十七

賓興考

歷代賓興

卷之七十八

賓興考

歷代賓興

武舉

附武學

卷之七十九

委積考

歷代委積

卷之八十

委積考

歷代漕運

卷之八十一

委積考

歷代漕運 運河

卷之八十二

委積考

歷代常平 義倉 社倉

卷之八十三

荒政考

歷代荒政 散利

卷之八十四

荒政考

歷代荒政 散利

卷之八十五

荒政考

歷代荒政 薄征

卷之八十六

荒政考

歷代荒政

援割  
蓄

舊嫌不

弛力

舍禁

去 麓

生目

殷哀

卷之八十七

荒政考

荒政雜論

移民賑濟

新分捕蝗

社會

卷之八十八

市政考

市政

互市

卷之八十九

市政考

市征  
權酷

卷之九十

市政考

# 雜征

薪材木

炭

卷之九十一

市政考

澤征 鹽政

卷之九十二

市政考

澤征 鹽政

卷之九十三

市政考

澤征 鹽政

卷之九十四

市政考

山征 茶法

卷之九十五

市政考

山征 坑冶

卷之九十六

禮制考

歷代禮制

卷之九十七

禮制考

吉禮通論

卷之九十八

禮制考

天神郊祀

卷之九十九

禮制考

天神 歷代郊祀

卷之一百

禮制考

歷代零禮

卷之一百一

禮制考

地示方澤

卷之一百二

禮制考



祭山川四望 五祀 城隍

卷之一百三

禮制考

百神

六宗

四方

四類

司民司祿

時及寒暑

蜡及百物

高禘

雩禮

卷之一百四

禮制考

因祭

按儀禮經傳通解及五禮綱目所載有巡狩朝會建國出師田獵射侯凶旱牲馬嫁娶貞卜籍田等

祭茲編各附見

災沴

祈禳

疾病

盟詛

釁

祭

酺

祭附

祭無後主

卷之一百五

禮制考

天子廟制

卷之一百六

禮制考

天子廟制 后妃廟 太子廟

卷之一百七 禮制考

諸侯廟 大夫士廟制 諸侯大夫士祭儀

卷之一百八 禮制考

四時祭

卷之一百九 禮制考

禘祫

卷之一百十 禮制考

禘祫

卷之百十一 禮制考

嘉禮通論 冠昏通論 天子諸侯大夫冠禮

卷之百十二

禮制考

士冠禮

卷之百十三

禮制考

冠通禮

司馬氏書儀

朱子家禮

冠變禮

笄禮

書儀

家禮

卷之百十四

禮制考

天子婚禮

王姬下嫁太子  
納妃公主下嫁

卷之百十五

禮制考

諸侯大夫昏禮

卷之百十六

禮制考

昏通論

開元禮昏會

司馬氏書儀

朱子家禮昏

禮 昏變禮

卷之百十七

禮制考

凶禮通論

卷之百十八

禮制考

歷代大喪禮

王后皇太后皇太子皇后皇妃喪禮附

卷之百十九

禮制考

歷代大喪禮

皇太后皇后皇太子皇妃喪禮附

卷之百二十

禮制考

歷代大喪禮

皇太后皇后太子及妃喪禮附

卷之百二十一

禮制考

諸侯喪禮

夫人皇太子妃諸王如公主喪禮附

卷之百二十二

禮制考

卿大夫喪禮

卷之百二十三

禮制考

士喪禮

卷之百二十四

禮制考

士喪禮 士虞禮

卷之百二十五

禮制考

喪通禮 喪變禮

卷之百二十六

禮制考

歷代服制

卷之百二十七

樂制考

歷代樂制

卷之百二十八

樂制考

歷代樂制

卷之百二十九

樂制考

歷代樂器

卷之百三十

樂制考

歷代樂器

卷之百三十一

樂制考

歷代樂歌

卷之百三十二

樂制考

歷代樂舞 四夷樂

卷之百三十三

禮器考

車輅

卷之百三十四

禮器考

服冕

卷之百三十五

禮器考

歷代儀衛

卷之百三十六

禮器考

歷代儀衛

卷之百三十七

禮器考

歷代儀衛

卷之百三十八

司天考

問朔

卷之百三十九

司天考

問朔

卷之百四十

司天考

測步景中星

卷之百四十一

司天考

占候 五星 五星平行以下皆新法

五星順逆留疾

五星交周緯度 分星

卷之百四十二

司天考

雲氣 風占

卷之百四十三

司天考



占候 十輝 月變

卷之百四十四

司天考

漏刻 救日月

卷之百四十五

司天考

卜筮 占夢

卷之百四十六

建國考

建國通論 周初國名 春秋列國 徐 戎 狄

秦楚之際起兵自立者六國 項王所立諸侯王凡四

十國

卷之百四十七

建國考

歷代建國

卷之百四十八

建國考

歷代建國

卷之百四十九

建國考

歷代建國

卷之百五十

建國考

歷代建國

卷之百五十一

建國考

歷代建國

卷之百五十二

建國考

歷代建國 明功臣

卷之百五十三

兵制考

歷代兵制

卷之百五十四

兵制考

歷代兵制

卷之百五十五

兵制考

歷代兵制

卷之百五十六

兵制考

歷代兵制 兵器

卷之百五十七

兵制考

歷代兵車 歷代舟師

卷之百五十八

軍禮考

軍禮通論 蒐閱

卷之百五十九

軍禮考

蒐閱

師祭

載祭

祭所過山川

命將

卷之百六十

軍禮考

出師

奏愷獻俘

飲至受降

獻捷獻馘

宣露布

卷之百六十一

軍禮考

賞功

師不功

射禮

天子射禮

諸侯以下射禮

武射

射器

卷之百六十二

王政考

王都禁令

門關之政

道路之政

卷之百六十三

王政考

恤窮之政

恤死之政

草木鳥獸之政

卷之百六十四

王政考

酒政

冰政

火政

卷之百六十五

王政考

馬政

卷之百六十六

王政考

馬政

馬祭

卷之百六十七

職方考

周初職方

東周列國分野

七國疆域

秦置郡縣

漢十三部

三國疆域

卷之百六十八

職方考

晉十九州

十六國疆域

七代地形

隋改州郡

唐十道 方鎮州境 五代州域 十國疆域

卷之百六十九 職方考

宋二十三路 遼金疆域 元十一行省

明十三布政使司

卷之百七十 職方考

險固 邊防 鎮戍

卷之百七十一 職方考

險固 邊防 鎮戍

卷之百七十二 職方考

險固 邊防 鎮戍

卷之百七十三 職方考

險固邊防 鎮戍 海防 江防淮防 河防

卷之百七十四 刑典考

刑典總序 聽斷 赦宥

卷之百七十五 刑典考

歷代刑典

卷之百七十六 刑典考

歷代刑典

卷之百七十七 刑典考

歷代刑典

卷之百七十八 刑典考

歷代刑典

卷之百七十九

刑典考

歷代刑典

卷之百八十

刑典考

歷代刑典 復讎

卷之百八十一

賓禮考

賓禮通論 三恪二王後

卷之百八十二

賓禮考

諸侯朝禮 覲禮 饗禮 歷代朝覲禮

卷之百八十三

賓禮考

歷代朝儀

卷之百八十四

賓禮考



聘禮

卷之百八十五

賓禮考

會同禮 諸侯聘天子 王朝遣使

卷之百八十六

賓禮考

巡狩

卷之百八十七

巡狩禮

歷代巡狩

卷之百八十八

都邑考

歷代都城

卷之百八十九

都邑考

歷代都城

卷之百九十

都邑考

歷代遷國

卷之百九十一

工政考

歷代工政

卷之百九十二

工政考

歷代車政

卷之百九十三

工政考

歷代明堂

卷之百九十四

工政考

歷代明堂

卷之百九十五

溝洫考

溝洫之制 歷代水利

卷之百九十六

溝洫考

歷代水利

卷之百九十七

溝洫考

歷代水利

卷之百九十八

溝洫考

歷代河防

卷之百九十九

溝洫考

歷代河防

卷之二百

溝洫考

歷代河防

自設官至醫政考凡五十八卷屬天官自民政至市  
政考凡三十七卷屬地官自禮制至司天考凡五十  
卷屬春官自建國至職方考凡二十八卷屬夏官自  
刑典至賓禮考凡十四卷屬秋官自都邑至溝洫考  
凡十三卷屬冬官

六典通考卷一

湖西閻鎮珩輯

設官考

六官沿革

古者準四時命官分象五方伏羲以龍紀官春官爲青龍夏官爲赤龍秋官爲白龍冬官爲黑龍中官爲黃龍神農氏以火紀官春官爲大火夏官爲鶉火秋官爲西火冬官爲北火中官爲中火黃帝以雲紀官春官爲青雲夏官爲緇雲秋官爲白雲冬官爲黑雲中官爲黃雲少昊氏之立也鳳鳥適至故鳥紀而鳥名祝鳩氏司徒也睢鳩氏司馬也鴈鳩氏司空也爽鳩氏司寇也鵲項

以來始立五行之官謂之五官春官木正曰句龍夏官火正曰祝融秋官金正曰蓐收冬官水正曰玄冥中官土正曰后土唐堯之代錄重黎後世號曰羲和使主天地之事分命仲叔四子以主四時爲六卿之任及其末年舜攝百揆改地官爲司徒秋官爲士冬官爲司空春官爲秩宗故尙書曰契作司徒敬敷五教地官之事也皋陶作士五刑有服秋官之任也禹作司空以平水土冬官之職也伯夷爲秩宗典朕三禮春官之所司也又周禮正義云稷爲天官羲和爲夏官共爲六官也夏后之制亦置六卿甘誓曰乃召六卿是也康成釋書大傳曰夏六卿后稷司徒秩宗司馬作士共工士卽刑官稱

士爲作士虞爲朕虞漢人之陋爾月令孔疏亦稱書傳有司徒司馬司空公此夏制也殷制天子建天官首太宰又建五官司徒司馬司空司土司寇或謂三王皆六卿而云五官何與鄭志答問云殷立天官與五行其取象異耳蓋司徒以下法五行並太宰爲天官也孔氏正義曰殷立六官以象天之六氣又立五官以象地之五行天道尊陽故一卿以攝眾地道卑陰故五卿並陳也周黜殷命更制周禮作天地四時之名謂之六卿天官冢宰掌邦治地官司徒掌邦教春官宗伯掌邦禮夏官司馬掌邦政秋官司寇掌邦刑冬官司空掌邦事六官之職統于冢宰各有官屬以周百事初春官大宗伯列

在地官大司徒上今周禮之文乃周公所更定也周衰  
官失其序莫克師古秦始置尙書四人漢成帝分立四  
曹尙書曰常侍曹二千石曹民曹客曹後又置三公曹  
命曰五曹光武改常侍曹爲吏曹分二千石曹及客曹  
爲南主客北主客二曹又爲六曹魏有吏部左民客曹  
五兵度支凡五尙書晉初有吏部三公客曹駕部屯田  
度支六曹太康時有吏部殿中五兵田曹度支左民爲  
六曹尙書及渡江有吏部祠部五兵左民度支五尙書  
宋有吏部祠部度支左民都官五兵六尙書齊梁別有  
起部之員然不常置也後魏初有殿中樂部駕部南部  
北部五尙書其後有吏部兵部都官度支七兵祠部民



曹等尙書又有金部庫部虛曹儀曹右民宰官都牧牧  
曹右曹太倉太官祈曹神都儀同曹等尙書北齊有吏  
部殿中祠部五兵都官度支六尙書後周放周禮立六  
官而無尙書隋開皇三年改度支尙書爲民部都官尙  
書爲刑部以左僕射判吏禮兵三部事右僕射判民刑  
工三部事六部之名由此始焉唐制吏部兵部爲前行  
戶刑爲中行禮工爲後行其官屬自後行遷前行者以  
爲美則天光宅初改六部爲六官其名一準周禮已而  
復舊宋初或曰六曹或曰六部紹興八年依元祐制六  
曹皆置權尙書以處未應資格之人紹興又置權侍郎  
滿二年爲眞遼天祿四年建政事省漢人樞密院兼尙

書省吏兵刑有承旨戶工有主事中書省兼禮部別有戶部使司其後更立六部長貳之官與唐制同金太宗法古立官因仍不革元廢尙書省猶存其官號明太祖洪武元年以六尙書隸中書省至十三年誅胡惟庸罷丞相之秩而歸其權于六部成祖始建內閣洪熙後選舊臣入閣辦事自是閣權重無異宰相而六部之權漸稍輕矣今類探史傳雜說依周禮六官名次考定沿革其後代所無者闕不著

### 天官沿革

冢宰堯官也堯命羲和主陰陽羲伯司天官后稷事虞夏爲天官夏衰不窟失官其官遂廢殷爲冢宰周官在豐爲太宰

召公又居之秦漢魏無是職晉武帝以安平王孚爲太宰始置其官安平薨省咸寧四年復置或謂本太師之職避景帝諱改爲太宰非周禮冢宰之任也時何曾汝南王亮並爲太宰宋大明中江夏王義恭爲之冠綬服秩悉同大傅齊以爲贈梁初有之陳亦以爲贈有事則權兼後魏初無孝莊時以太尉上黨王元太穆爲之置佐吏北齊無後周依周禮置天官大冢宰卿一人隋唐俱無宋崇寧時蔡京言僕臣之賤非宰相所宜稱乃改左僕射爲太宰右僕射爲少宰靖康末復舊遼金元明均無

書稱阿衡亦曰冢宰漢平帝加王莽爲宰衡蓋兼此二義漢書黥布傳隨何因太宰以見淮南王是乃僭竊古

官號如春秋吳楚列國之太宰非可比天子之卿也東漢諸沖主卽位顧命大臣或以太傅錄尙書事猶有古冢宰總己之遺意魏晉以下尙書令總領紀綱事無不統殆猶周之冢宰故宋孝建詔云尙書百官之元本後周立大冢宰勢位最尊故宇文護以冢宰當國其權與莽卓相埒云

周冢宰今吏部尙書漢尙書五曹一曰常侍曹成帝增置五曹其常侍曹主丞相御史公卿事後漢光武又分爲六曹常侍曹爲吏部曹漢末又改吏部爲選部專掌選舉事靈帝以梁鵠爲選部尙書魏改選部爲吏部歷晉至宋孝武大明二年置二吏部尙書廢五兵尙書尋復舊名齊梁陳後魏北齊

皆曰吏部尚書後周依周官置大冢宰卿一人七命隋復曰  
吏部尚書然此官歷代班序常尊不與他曹同漢官儀尚書  
秩五百石次補二千石晉令吏部尚書五時朝服納言續進  
賢兩梁冠佩水蒼玉乘輅車自輪袁子正書曰尚書佩契刀  
囊執版加簪筆焉自魏至梁並第三品梁秩加至中二千石  
後定十八班班多爲貴吏部尚書班第十四諸曹尚書班第  
十三陳梁隋吏部尚書並正第三品唐因之掌文官選舉龍  
朔二年改爲司列大常伯咸亨元年復爲吏部尚書光宅元  
年改爲天官尚書神龍元年復故天寶十一載改爲文部至  
德初復舊宋吏部尚書從二品並掌文武選舉元豐定制以  
審官東院爲左選審官西院爲右選遼北面有南樞密院掌

文銓視吏部而南面吏部置官有尙書金太宗十二年始法  
古立官天德四年命吏部尙書蕭頤定河南北官通注格而  
審官院不屬吏部元吏部尙書三員從三品明置吏部卽古  
選部洪武十三年革中書省政歸六部吏部分四子部曰總  
部曰司封曰司勳曰考功後改總部爲選部又改爲文選司  
而吏部尙書之簡命禮數特異其勤勞茂著往往加贈以三  
公三孤蓋自罷丞相以後而統百官均四海責在吏部矣杜佑  
云參詳古今天官太宰當爲尙書令非吏部之任

小宰今吏部侍郎漢尙書有曹郎晉宋有吏部郎則今郎中  
之任也後周依周官小宰一人中大夫隋煬帝三年尙書六  
曹各置侍郎一人以貳尙書之職並正第四品唐諸曹侍郎

降爲正四品下惟吏部侍郎爲正四品上龍朔二年改爲司  
列少卿伯咸亨元年復舊天寶十一載改爲文部侍郎至德  
二載復舊本一員總章二年與兵部各增一員光宅神龍並  
隨曹改復宋吏部侍郎二員從三品掌文臣未改秩及武臣  
未陞朝者南渡初六曹尙書侍郎惟吏部備官建炎間置權  
侍郎滿二年爲員遷南面吏部尙書下有侍郎金侍郎一員  
正四品元增爲二員品同金明吏部左右侍郎各一人正三  
品

自漢末以吏部掌銓選延及魏晉吏部常尊于諸曹故  
授此職者史必特書以某爲吏部尙書若授他曹但云  
某爲尙書而已宋齊以後有起部駕部祠部金部等名

至隋而六部始備唐制吏部兵部最爲美階開元以來  
宰相或兼領吏部其選試之任尙書掌其一侍郎分其  
二謂之三銓宋初懲藩鎮之弊尙書侍郎皆爲空官或  
他官兼領元豐更定官制始以六曹尙書侍郎爲長貳  
元祐置權尙書然自唐以來尙書省以令僕爲最尊六  
部特其屬官準以周之六典猶未盡合明太祖以胡惟  
庸謀逆故革中書省于是中書之政移于六部隱然周  
六卿之職獨冢宰不制國用司徒不掌邦教爲小異耳  
小宰掌宮中刑禁宰夫掌臣民復逆漢御史中丞受公卿章  
奏糾察百僚卽其職也哀帝元壽二年更名御史中丞爲御  
史長史後漢復曰中丞魏初改中丞爲宮正舉鮑勛爲之百



僚嚴憚後復爲中丞歷晉宋齊梁陳並以中丞爲臺主齊梁  
又謂中丞爲南司後魏爲御史中尉督司百僚北齊復曰中  
丞後周置司憲中大夫二人隋省中丞置御史大夫爲臺主  
以持書侍御史代中丞之任唐避高宗諱省持書侍御史復  
置中丞龍朔二年改曰司憲大夫咸亨元年復故宋承唐制  
以中丞爲臺長遼金俱有是官元御史臺外置行御史臺有  
御史中丞明初以劉基爲御史中丞至十三年罷今直省巡撫署副都御史銜亦稱中丞原出于此

鄭康成釋小宰云若今御史中丞案秦御史有兩丞一  
御史丞一中丞漢因之名爲中執法晉以御史中丞爲  
臺主與司隸分督百僚自皇太子以下無所不糾宋中

丞一人每月二十五日繞行宮垣白壁卽周小宰理王  
宮政令之事也漢宣帝齋居決事令侍御史二人持書  
謂之持書御史唐六典御史中丞掌邦國刑憲典章之  
政凡天下之人有稱寃而無告者與三司令詰之大事  
奏裁小事專決凡中外百僚應彈劾者大事方幅奏彈  
小事署名而已卽宰夫敘百官之治以待諸臣之復萬  
民之逆之事也漢以後尙書中書門下省皆宰相之任  
其職掌畧與宰夫相近詩小雅家伯維宰鄭康成以爲  
卽周禮之宰夫則其任不輕矣

太宰屬官有下大夫蓋今郎中之任秦有郎中以其爲郎侍  
衛居中故曰郎中漢選尙書郎初從三署郎次補之初入尙

書臺稱郎中滿歲稱侍郎故郎中之名猶因三署舊號也按吏部郎中後漢置之職在選舉魏晉用人妙於時選其有諸曹郎功高者選爲吏部郎歷代品秩皆高于諸曹郎晉吏部郎品第五諸曹郎第六梁吏部郎品第四班第六上諸曹郎班第十陳因梁後魏北齊吏部郎品正第四上諸曹班品正第六後周依周官隋初二十四司並爲侍郎品從第五煬帝三年置六司侍郎諸曹侍郎並改爲郎又改吏部爲選部郎異于六侍郎之名唐爲吏部郎中龍朔二年改爲司業大夫咸亨光宅神龍並隨曹改復宋元豐官制行置吏部郎中主管尙書左右選及侍郎左右選凡四人遼南面吏部尙書侍郎下有郎中金吏部郎中二人元因之明改爲文選司置郎

中一人

太宰屬官有上士蓋今員外郎之任宋百官階次有員外郎  
美遷爲尚書郎後周依周官隋開皇六年尚書二十四司各  
置員外郎一人品從第六謂曹郎本員之外復置郎也煬帝  
三年又廢二十四司員外郎每司減一郎置承務郎一人同  
開皇員外郎之職曰選部承務郎一人唐尚書諸曹各置員  
外郎吏部置二人龍朔咸亨光宅神龍並隨曹改復宋制凡  
郎官皆用知縣資序以上人充未及者爲員外郎金吏部員  
外郎二人元因之明文選司員外郎一人主事一人掌官吏  
選升改調之事

山堂肆考吏部郎中三廳先小銓次格式員外郎三廳先南曹次廢置舊說吏部員外郎

爲省  
眼

宮正宮伯秦爲衛尉寺掌宮門衛屯兵漢因之景帝中六年  
更名中大夫令後元年復爲衛尉又有長樂建章甘泉衛尉  
各掌其宮之職不常置後漢衛尉又有南宮北宮衛士令丞  
晉百官表云衛尉品第二銀章青綬五時朝服武冠佩水蒼  
玉過江省宋孝建元年復置齊因之梁天監七年置十二卿  
衛尉與廷尉大匠爲秋卿班第十二位視侍中陳因之後魏  
衛尉卿從第一品下太和二十二年降爲第三品北齊因之  
後周置左右宮伯掌侍衛之禁小宮伯貳之又有左右前侍  
左右後侍掌御寢南北門之左右隋復置衛尉寺掌軍器儀  
仗帳幕而以監門衛掌宮門屯兵唐因之龍朔二年改衛尉  
爲司衛咸亨中復舊光宅元年又改爲司衛神龍初復舊領

武器武庫守宮三署令宋衛尉寺判寺事一人元豐定官制置卿少卿各一人中興後廢衛尉寺并入工部遼以硬寨爲宮有護衛有禁衛有宿衛宿直金衛尉寺中衛尉掌總中宮事務元世祖立衛尉院尋罷明置錦衣衛不設此官

徐堅初學記引齊職儀云衛尉秦官也蓋周禮宮伯宮正之職尉者尉也言以羅罟主察奸非後周有左右宮伯更直于內小宮伯貳之又有左右中侍掌御寢之禁與周官宮正所掌略同唐六典宮正掌戒令糾禁凡宮人以上不供職事司正以下起牒取宮正裁事小局司決罰事大錄狀奏聞此則全放周制爲之曹魏御史中丞亦名宮正詳見前

宮人內宰闈人寺人戰國時有宦者令秦少府屬官有中書  
謁者令丞又有將作衛尉少府各一人漢景帝中元六年改  
將作爲大長秋或用中人或用士人成帝加置太僕一人掌  
太后輿馬通謂之皇太后卿皆隨太后宮爲官號在正卿上  
無太后則闕又有長信詹事掌皇太后宮景帝六年更名長  
信少府平帝元年更名長樂少府帝祖母稱長信宮帝母稱  
長樂宮故有長信少府長樂少府職如長秋位在長秋上及  
職吏皆宦者也後漢長用宦者職掌奉宣中宮命凡給賜族  
親當謁見者開通之中宮出則從屬官有丞中宮僕謁者私  
府署令初秦又置中常侍官參用士人皆銀鐙左貂給事殿  
省漢制置侍中中常侍各一人省尙書事黃門侍郎一人傳

發書奏皆用姓族後漢中常侍贊道內事顧問應對永平中  
始定員數中常侍四人小黃門十人自明帝以後員數稍增  
改以金鑑右貂兼領卿署之職自和熹太后以女主稱制不  
接公卿乃以閹人爲常侍小黃門通命兩宮自此以來悉用  
閹人不調他士自安迄桓權任尤重手握王爵口含天憲桓  
帝旣與宦官謀誅梁冀乃封宦者五人同日爲侯皆食邑故  
世號五侯焉及袁紹大誅宦者之後永巷掖庭復用士人閹  
閹出入莫有禁切侍中侍郎門部駙宰中外雜錯醜聲彰聞  
魏改漢制太后三卿在九卿下晉復舊在同號卿上有后則  
置無后則闕齊鬱林王立文安太后卽尊號以官名置宜德  
衛尉少府太僕梁有弘訓太后亦置屬官陳亦有太后三卿



後魏大長秋掌願問應對自文明馮后開宦用事大者令僕小者卿守北齊有中侍中省置中侍中二人中常侍四人掌出入門閤又有長秋寺置卿中尹各一人掌諸宮閣領掖庭等令並用宦者後周有司內上士小司內中士巷伯中士等官隋曰內侍省領內侍內常侍等官煬帝改內侍省爲長秋監置令一人少令一人丞二人並用士人餘用宦者領掖庭宮閤奚官三署亦參用士人唐武德初改爲內侍省皆用宦者龍朔二年改爲內侍監咸亨元年復舊光宅元年改爲司宮臺神龍元年復舊有內侍四人內常侍六人屬官有內給事八人內謁者監六人內寺伯二人寺人六人領掖庭宮閤奚官內僕內府等五局宋初有內班院淳化五年改爲黃門

九月改內侍省入內內侍省與內侍省號爲前後省而入內省尤爲親近通侍禁中役服褻近者隸入內內侍省供侍殿中備灑埽之職役使雜品者隸內侍省入內內侍省有都都知都知副都知押班內東頭供奉官內西頭供奉官內侍殿頭內侍高品內侍高班內侍黃門內侍省有左班都知副都知右班都知副都知押班內東頭供奉官內西都供奉官內侍殿頭內侍高品內侍高班內侍黃門自供奉官至黃門以二百八十人爲定員凡內侍初補曰小黃門經恩選補則爲內侍黃門後省官缺則以前省官補押班次遷副都知次遷都都知遂爲內臣之極品其官稱則有內客省使延福宮使宣政使宣慶使昭宣使政和二年以通侍大夫易客省使正

侍大夫易延福宮使中侍大夫易景福殿使中亮大夫易宣  
慶使中衛大夫易宣政使拱奉大夫易昭宣使供奉官易內  
東頭供奉官左侍禁易內西頭供奉官右侍禁易內侍殿頭  
左班殿直易內侍高品右班殿直易內侍高班而黃門之名  
如故遂北面近侍局設於侍御司南面內省官曰內省使內  
省副使其內侍省官曰黃門令曰內謁者曰內侍省押班曰  
內侍左右廂押班曰內侍都知曰左右承宣使其上京東京  
各有內省司各置省使與省副使金內侍職入于衛尉司內  
內侍局中常侍入于宣徽使內其事多分領于宣徽使而內  
侍省不設元內侍省亦不設其職不專宮禁事卽文階亦授  
之明吳元年置內使監設令丞奉御內使典簿等官三年改

定內使監御用監秩皆從三品其官令從三品丞正四品皇門官秩從四品正從四品副正五品春官門官正副同二十八年定制內官監十一曰神功曰尙寶曰孝陵神宮曰尙膳曰尙衣曰司設曰內官曰司禮曰御馬曰印殿曰直殿皆設太監一人秩四品左右少監各一人秩從四品左右監丞各一人秩正六品三十年又置都知監秩正四品掌內府各監行移一應關支勘合設太監一人正四品左右少監各一人從四品左右監丞各一人正五品典簿一人正六品

膳夫庖人內饗外饗亨人秦爲太官令丞屬少府兩漢因之桓帝延熙元年使太官令得補二千石置四丞魏亦屬少府晉屬光祿勳宋齊屬侍中梁門下省領太官陳因之後魏分

太官爲尙食中尙食知御膳隸門下省而太官掌百官之饌屬光祿卿北齊因之後周有典庖中士內膳中士隋如北齊唐因之令二人丞四人宋隸御厨勾當官五人以朝官并諸司使副內侍都知押班充掌供御之膳羞及內外饗餼割烹煎和素膳之事元祐初罷太官令二年復置崇甯二年置尙食局太官令惟掌祠事明太官署署正二人丞四人供祭祀宮膳節筵給夷濟貧之事光祿寺本漢光祿勳晉始以太官令屬之後魏北齊光祿寺置卿掌諸膳食帳幕器物肴藏隋光祿卿統太官肴藏良醢等署令丞唐因之龍朔二年改爲司宰咸亨初復舊光宅元年爲司膳卿神龍初復舊宋光祿寺判寺事一人其太官珍羞良醢掌醢四署分隸御厨法酒

庫本寺但掌供祠祭酒醴果實醢醢菹薪炭及點饌進胙之事政和六年御史王桓等言祭祀牲牢之具掌于光祿而寺官未嘗臨視請大祠以長貳朔祭中祠以丞簿監視宰割禮畢頒胙有故及小祠聽以其屬攝從之遼南面初設光祿寺後以太宗諱改崇祿寺其官曰卿少卿金燕饗御膳之事掌于宣徽院而光祿寺不設元光祿寺掌領尙飲尙醢局沿路酒坊明光祿寺卿一人少卿二人掌祭享宴勞酒醴膳羞之事凡厨役久得爲王典膳移吏部

庖人外饗有下士秦有太官丞漢置二丞後漢丞一人三百石又有左丞甘丞湯官丞果丞桓帝時太官置四丞又有左右丞魏晉宋齊並有太官丞梁有四人又有市買丞正厨丞後魏北齊太官丞一人後周內膳有中士四人隋太官署丞

八人唐置四人宋有令無丞

句師漢司農屬官有籍田令文帝所置掌耕園廟社稷之田東漢及魏並不置晉太始十年復置江左省宋文帝元嘉中又置北齊以孟春吉亥祀先農籍田令帥其屬以牛耕唐以司農卿行事不置令宋籍田令掌帝籍耕耨出納之事植五穀疏果藏冰以待用元豐三年詔籍田令隸太常寺渡江初闕紹興五年立籍田署隸司農司令一人明耕籍禮以應天順天府官行事不設籍田令獸人獸人腊人後代無考

醫師中士下士秦漢有太醫令丞主醫藥屬少府無員數後漢有藥丞一人魏因之晉宗正寺屬官有太醫令銅印墨綬進賢一梁冠絳朝服品第七過江省宗正而屬門下省宋齊

隸侍中梁復隸門下省令班第十一丞位三品陳因之後魏有太醫博士助教北齊太常寺統太醫令丞後周有太醫下大夫小醫中士隋太醫署令二人煬帝置醫正醫監唐因之令丞各二人主醫藥凡醫針灸按摩呪禁各有博士五代時有翰林醫官使采制翰林醫官院使副各二人並領院事以尙藥奉御充或有加諸司使者直院四人尙藥奉御六人醫官醫學祗候無定員醫官有和安成和成安成全大夫保安大夫保和大夫翰林良醫和安成和成安成全郎保和郎保安郎翰林醫正翰林醫官翰林醫效翰林醫痊翰林醫愈翰林醫證翰林醫診翰林醫候翰林醫學舊諸司使副有醫官使及副使元世祖中統元年置宣差提點太醫院事給銀印



掌醫事製奉御藥物領各屬醫職不隸太常院至治二年定制院使十二員同知僉院同僉院判各二員經歷都事各一員照磨兼承發架閣庫一員明洪武十四年設太醫院令丞吏目御醫如文職授散官尋改令爲院使丞爲院判嘉靖中定本院使一判二吏目一御醫十八人所屬惠民藥局大使副使生藥庫大使副使各一人吏九人院使掌醫療之法院判爲之貳

元明大醫院俱不  
屬太常別爲一署

唐六典晉代以上手醫子弟代習者令助教部敎之宋元嘉二十年太醫令奏置醫學以廣教授至三十年省後魏有太醫博士助教隋太醫有博士二人掌醫唐武德中博士一人助教二人貞觀中又置醫師醫工佐之掌敎醫生

周禮醫師上士下士漢有醫工長第五倫補爲淮陽王醫  
工長是也隋太醫有師二百人唐置二十人醫工一百人  
後周有醫正上士中士下士隋煬帝置醫監五員醫正十  
員唐減之監四人正八人後周醫正有醫生三百人隋太  
醫有生一百二十人唐置四十人貞觀後置典學二人

食醫中士二人後周有食醫下士隋門下省統尙食局有食  
醫四人唐加至八人後周有主食主膳等唐因之尙食奉餽  
掌供天子之膳隨四時之禁適五味之宜當進食必先嘗  
尙食典御二人奉御六人下有膳工元豐改官制曰殿中監  
掌供奉天子玉食醫藥遶殿中司有尙食局奉御元主烹膳  
者曰博爾赤明內侍尙食局有典藥司藥掌藥等女使四人

掌醫方藥物

瘍醫後周有瘍醫上士中士下士自後無聞

獸醫後周有獸醫上士隋太僕寺屬有獸醫博士唐獸醫六百人博士一人太僕丞判寺事凡補獸醫生皆以庶人之子考試其業成者補爲獸醫業優長者進爲博士遼設醫獸局官曰都林牙金有尙康獸醫六貫石

酒正中士下士後漢湯官丞主酒屬少府晉有酒丞一人齊食官局有酒吏梁曰酒庫丞北齊光祿寺有清漳令丞主造酒冬春萬石夏秋半之後周如周制隋曰良醞署令丞各一人唐因之貞觀中加至二人宋良醞署屬御厨有內酒坊使掌造法糯米常料之三等酒以供邦國之用監官三人監門

二人以三班內侍充都麪院掌造麪以給內酒坊之用及出  
鬻而收其直監官二人以京朝官及諸司使副內侍充法酒  
庫掌造供御及祠祭凡祭祀共五齊三酒以實薄鬻監官二  
人以朝臣及三班使臣內侍充金尚醞署置令丞掌進御酒  
醴元中統四年立御酒庫設金符宣差至元十一年始設提  
點十六年改尚醞局掌醞造諸王百官酒醴提點大使各一  
人副使二人直長一人有大都上都二局明良醞署署正二  
丞四供獻殿宮膳均給內外官人夷匠之事

酒人漿人後漢有湯官丞主酒漿晉有監釀吏四人齊酒吏  
一人隋置良醞署唐有掌醞二十人酒匠三十人後周太祖  
平河中得酒工王思善因置法酒庫宋因之以內侍領其事

元殿上執事酒人六十人主酒二十人主通明亦置法酒庫內酒坊大使副使掌醢署供飴油醃漿梅鹽之事

膳夫凌人晉尙書有左士右士曹後魏都官尙書管左士郎北齊改左士爲膳部郎掌侍官有司禮食餽饌屬都官尙書後周有膳部大夫一人亦掌飲食屬大冢宰隋膳部屬祠部初置侍郎煬帝除侍字唐武德加中字龍朔二年改爲司膳大夫咸亨初復舊天寶十一年又改膳部爲司膳至德初復舊掌飲膳藏冰及食料宋膳部掌祠祀牲牢禮料及宴設酒食果實之事收冰藏冰賜冰以時無關事御厨翰林司牛羊司煮馬遼金元不設明精膳清吏司掌宴饗牲豆酒膳之事以贊尙書郎中員外郎各一人凡歲藏冰出冰移所司謹潔

之永樂五年上林苑置冰鑑署宣德中罷之

漢魏及晉皆有凌室以藏冰其官未詳唐司農寺卿掌藏冰啟冰宋藉田令主藏冰以待用明光祿寺卿歲四月至九月凡御用物及祭祀之品皆用冰而謹潔以備不時之需則禮部精膳司主之杜佑通典合膳夫凌人二職爲一誠以冰之出納惟時用于飲膳者尤多也

籩人後漢少府屬官有甘丞主膳具晉太官令有飴官果官吏各二人自後無聞北齊餽藏令屬光祿寺後周有餽藏中士下士隋如北齊唐因之長安中改爲珍羞神龍初復舊開元初又改之有令丞各一人宋珍羞署隸御厨有供備庫使副掌供尙食及內外膳羞米麪飴蜜棗豆百品之料監官二

監門一外物料庫掌給諸官院油鹽米麪之品監官二人元立尙珍署掌供酒材設達魯花赤及令丞吏目各一人明珍羞署署正二人丞四人供宮膳茶飯之事

醢人醢人各有奄二人女奚數十人齊職儀諸公府有醢食典軍二人後周有掌醢中士下士隋曰掌醢署令丞各一人掌醢十人唐因之領主醢醬匠酢匠豉匠菹醢等匠宋屬御厨有醢醢庫監官一人以京朝官充掌造油醢載以供邦國膳羞內外之用明掌醢署署正二人丞四人供祭祀茶飯齋禱之事

鹽人後周有鹽人掌鹽政唐太官令籩實有形鹽冪人後世不見專官并入珍羞尙食等局

掌舍掌次幕人漢少府屬官有守宮令丞掌宮殿陳設魏殿中監掌帳設監護之事晉宋以下其職並在殿中監隋煬帝置殿內監改殿內局爲尙舍局置奉御二人唐因之龍朔二年改爲奉辰大夫咸亨元年後舊直長隋置八人唐因之而減二人幕士八十人宋尙舍掌次舍幄帟之事典御二人奉御六人下有幕士遼設殿幄局其殿中司所屬有尙舍局奉御金內官有司設司陳掌鋪設幃幕元中尙監秩正三品掌供內府陳設帳房帟幕明司設監掌御用儀仗輦輅輿帳褕褕張設令丞各一人奉御四人

太府下大夫歷代不置其職在司農少府至梁天監七年置太府卿秩視宗正掌金帛府帑及關津市肆陳因之後魏太



和中又改少府爲太府卿兼有少卿掌財物庫藏北齊曰太府寺卿少卿各一人兼掌造器物後周有太府中大夫掌供賦貨賄以供國用屬大冢宰隋初與北齊同所掌左右藏及尙方司染甄官等署煬帝置少卿二人又分太府寺置少府監官尙方織染等署而太府但管京都市及平準左右藏唐龍朔二年改太府爲外府咸亨元年復舊光宅元年改爲司府神龍元年復舊卿一人少卿二人領兩京諸市平準左右藏常平等九署各有令丞宋太府寺舊置判寺同判寺各一人元豐中置卿少卿等官建炎詔罷太府寺以其職務撥隸金部紹興四年復置遼南面有太府監金太府監少監掌出納邦國財用錢穀之事元初太府監卿六監六少監五後

改爲宣徽太監凡內府藏庫悉隸焉大德中改爲院叅用宦者至大四年復爲監明不設

太府上士梁太府丞一人陳因之後魏北齊各一人後周如周制隋復置太府丞正七品唐置丞四人又有主簿二人亦周太府下士之任梁始置一人陳因之後魏同梁隋置四人唐因之減一人宋元豐置丞簿各二人元符元年增丞一人崇寧中置藥局又添丞一人宣和三年減罷紹興元年以章億守太府寺丞添置二人四年復置三丞金置丞二人元五人有經歷知事照磨無主簿

玉府秦置上方令漢因之後漢主作手工作御刀劍玩好器物及寶玉作器兩漢又有考工令主作兵器其職稍同漢末

分尙方爲中左右三尙方魏晉因之過江惟置一尙方哀帝以隸丹陽尹宋武帝踐祚以相府作部配臺謂之左尙方而本置謂之右尙方並掌造軍器又以相府細作配臺卽其名置令一人隸門下孝武大明中改曰御府後廢帝初省御府置中署隸右尙方則漢之考工令如宋之尙方令尙方令如宋中署矣齊置左右尙方令各一人梁有中左右尙方令北齊亦有三尙方隸太府隋煬帝分隸少府唐省方字有中左右三尙署令丞各一人開元以後別置中尙使監之宋文思院掌造金銀犀玉工巧之物金綵繪素裝鈿之飾監官文臣一員武臣二員遼金元並同明初設文思院等衙門掌造作諸事後俱裁革

職幣外府玉府內府職內漢少府屬官有中藏府令丞魏因之晉有左右藏令屬少府晉江東置御史掌庫曹後分庫曹曰外左庫內左庫至宋省外左庫而內左庫直曰左庫齊梁陳曰右藏北齊曰左右藏令屬太府寺後周曰外府上士中士隋如北齊唐因之置左藏署令三人掌庫藏錢布帛雜綵右藏署令二人掌銅鐵毛角玩弄之物金玉珠寶香畫綵色進貢雜物宋太府寺所隸官司二十有五左藏東西庫內藏庫奉宸庫祗候庫元豐庫凡封樁者皆入焉遼有內藏庫提點金太府監官屬有左右藏庫使支應所都監元太府監官屬內藏庫左右藏庫各有提點大使副使掌出納御用諸王緞匹紗羅香貨及收支金玉并和買紗羅布絹絲錦木棉衣

服等物明內承運庫外承運庫各有大使副使秩皆九品

秦治粟內史卽周之太府漢景帝更名大農令武帝更名大司農後或爲大農或爲司農或爲司稼今戶部亦謂之司農又鄭注職內云若今之泉所人謂之少內賈疏少內藏聚似今之少府但官卑職碎以少爲名

司會鄭注若今尙書秦少府遺吏四人在殿中主發書謂之尙書尙主也漢承秦置武帝遊宴後庭始用宦者主中書中間罷其官以爲中書之職成帝建始四年罷中書宦者置尙書五人一人爲僕射四人分爲四曹通掌圖書秘記章奏及封奏宣示內外而已其任猶輕後漢則爲優重出納王命敷奏萬機漢初尙書雖有曹名不以爲號靈帝以侍中梁鵠爲

選部尚書始見曹名總謂尚書臺亦謂中臺宋書志尚書寺居建禮門內亦

日尚書省亦謂之內臺

自魏晉重中書之官尚書稍疏遠至梁陳機要

在中書獻納歸門下尚書聽命受事而已後魏神廟元年始置僕射左右丞及諸曹尚書十餘人各居別寺北齊尚書省有錄令僕射總理六尚書事謂之都省亦曰北省後周無尚書隋唐略同北齊龍朔二年改尚書省爲中臺咸亨初復舊

光宅元年改爲文昌臺垂拱元年又改爲都臺通天初復舊

長安三年又改爲中臺神龍初復爲尚書省自宋迄明詳見

總序

司書職歲漢張蒼主計居相府謂之計相魏有度支尚書隋初爲度支侍郎煬帝改爲郎唐曰郎中龍朔二年改爲司度

大夫光宅元年復舊掌支使國用至德以後多以宰相兼度支使或云權判或云專判宋以三司度支使掌國計而度支郎中員外郎歲終會計出入屬戶部遼南面中京設度支使司元度支監有卿監少監至大二年改立度支院明度支屬戶部如唐宋之制

司裘唐殿中省尙衣局奉御掌供大裘冕裘以黑羔爲之元有貂鼠局提舉司秩從五品

掌皮漢少府屬官有胞人長丞元熟皮局掌每歲熟造獸皮大使副使直長各一又有軟皮斜皮等局均屬內用監

內宰下大夫中官之長秦曰將作漢曰大長秋秩二千石魏晉宋齊因之梁有大長秋主諸宦者以司官闡之職陳氏同

後魏有大長秋又置內侍長四人北齊中侍中省有中侍中  
二人長秋寺卿中尹各一人後周有司內上士隋初內侍省  
內侍二人卽舊長秋大業三年改內侍省爲長秋監置令一  
人正四品唐復爲內侍省內侍二人中官之貴此爲極品季  
春皇后親蠶及享先蠶則內侍升壇執儀如周內宰之事焉  
宋入內內侍省有都都知爲內臣之極品元置內宰司隸徽  
政院內宰六人秩三品明初設內官監置監令正四品洪武  
三十年置都知監太監一人正四品

內小臣後漢少府有給事黃門常侍左右止在內宮門通中  
外及中宮以下眾事自魏晉至梁陳無其職後魏有中給事  
中後改爲中給事北齊中給事中四人煬帝改爲內承直唐



復爲內給事置八人

後漢大長秋屬官有中宮謁者二人主報中章後魏北齊有中謁者僕射隋內

侍省有內謁者監六人遼內省設左右承宣使金內侍局給

事中從五品又有內殿給使明小內使十五人宮門承制奉

御五人

闈人隋置宮闈局唐因之置內闈人二十人宋內東門司勾

當官四人譏察出入明宮門守門官正一副四皆八品寺人

隋置內寺伯二人寺人六人唐因之內豎齊豎刁晉豎頭須

左傳曹伯之豎侯孺注豎掌通內外者後無聞

九嬪世婦女御漢因秦制妾皆稱夫人又有美人良人八子

七子長使少使婕妤嬪娥俗華充衣昭儀五官順常無涓共

和娛靈保林良使夜者上家人子中家人子其大子妃有良

弟孺子妻妾三等子皆稱皇孫皇孫妻妾無位號皆稱家人  
魏武帝因西漢置夫人昭儀婕妤容華美人文帝增置貴嬪  
淑媛脩容順成良人明帝又置淑妃昭華脩儀自夫人以下  
爵十二等晉武置貴嬪夫人貴人爲三夫人淑妃淑媛淑儀  
脩容脩華脩儀婕妤好容華充華爲九嬪又置美人才人中才  
人爲散職宋初多因舊制孝建三年置貴妃進貴嬪貴人爲  
三夫人置昭儀昭容昭華又置中才人充衣爲散位江左四  
代互相沿襲無大異同後魏太武立昭儀貴人之號孝文立  
左右昭儀視大司馬三夫人視三公三嬪視三卿六嬪視六  
卿世婦視中大夫女御視元士北齊文宣有夫人嬪御而無  
員數武成依古三夫人九嬪二十七世婦八十一御妻置左

右昭儀比丞相弘德正德崇德夫人比三公光猷昭訓崇徽  
上儀比三卿宣猷凝輝宣明順華凝華光訓下嬪比六卿世  
婦比三品御女比五品又置才人綵女爲散號後主又置娥  
英淑妃隋高祖置嬪三世婦九御女三十八初無三夫人嬪  
以下惟置六十員後乃置貴人三增嬪世婦御女皆依周禮  
錫帝置貴妃淑妃德妃爲三夫人順儀順容順華脩儀脩華  
修容充儀充容充華爲九嬪婕妤十二美人才人十五爲世  
婦寶林二十四御女二十四綵女三十二爲女御總百二十  
員又有承衣刀人無員數唐內官有惠妃麗妃華妃三人淑  
儀德儀賢儀順儀婉儀芳儀六人美人四人七宮官有差  
後唐莊宗時後宮尤多名號明帝後有司寶司贊司膳司醢

司飾司衣等名封國夫人或郡夫人小者縣君宋太祖因循  
五代之制置司簿司賓並封縣君又置樂使太宗置尙宮太  
監內宣徽南院使兼承旨並司簿或封國夫人郡夫人又置  
寶省尙食封縣君又置司寶司儀司給或授郡君縣君樂使  
又置副使改內省爲尙書內省令尙宮太監並號尙書司給  
司簿同掌宮籍及司出納又有御侍司衣司飾司寢司藥等  
名樂使爲仙韶使副使弟子呼供奉又置直筆書省主事改  
茶器爲翰林局掌御閣爲直閣掌宮門爲直門掌燈火爲掌  
燈掌從物爲直仗鉞線院爲裁縫院又令司簿兼掌寶司言  
兼監班司儀兼承宣掌寶司儀及韶使副使封縣君又司記  
知尙書內省公事皆賜裙帔眞宗置淑儀淑容婉儀婉容並

從一品置貴儀在淑儀上司宮令在尙宮上遼聖宗以馬氏爲麗儀耿氏爲淑儀尙寢白氏昭儀尙服李氏順儀尙功艾氏芳儀尙儀孫氏和儀金內命婦品元妃貴妃淑妃德妃賢妃正一品昭儀昭容昭媛脩儀脩容脩媛充儀充容充媛曰九嬪正二品婕妤正三品美人正四品才人正五品各九曰二十七世婦寶林正六品御妻正七品采女正八品各二十七曰八十一御妻貞祐後又有眞妃麗妃而無德妃賢妃婕妤下有麗人才人正三品順儀淑華淑儀正四品尙宮夫人宮正夫人寶華夫人尙儀夫人尙服夫人尙寢夫人欽聖夫人資明夫人正五品而尙宮尙儀尙服尙食尙寢尙功之下女官各統其職焉明洪武五年定女職立六局曰尙宮尙儀

尚服尚食尚寢尚功一司曰宮正皆正六品

女祝

後無聞

女史古者后夫人必有女史彤管之事漢武帝

有禁中起居後漢馬皇后撰明帝起居注杜佑云在宮中爲女史之任唐內官有形史二人宋太祖置司簿掌宮中簿書金有司記女史六人明尚儀局有司籍掌籍女史十人彤史二人

典婦功秦置永巷漢武更名掖庭置令掌宮人簿帳公桑養蠶及女工等事後漢掖庭令掌後宮貴人采女又有永巷令典官婢皆宦者並屬少府後周有典婦功奄中士下士唐內官尚功二人掌女工課程司製司彩屬焉金如唐制明尚功局掌督女紅秩正六品

典絲染人秦置平準令漢因之主物價練染初少府屬官有東織西織成帝省東織更名西織爲織室北齊中尙方領涇州雍州絲局定州綢綾局丞後周有司織下大夫隋有司織司染二署煬帝合爲織染署令唐因之有令丞宋綾錦院掌織絳錦繡及凡服飾監官三人文繡院掌纂繡供服御染局掌染絲泉幣帛監官二人金綾錦院置使副掌織造匹緞之事織染署令丞直長各一元置染局大使副使一人明因之宋順帝諱準改平準署爲染署梁陳謂之平水韋昭釋名云平準令主染色染有均平之法故準而則之

典泉

後無聞

內司服漢以來皇后各有禮服北齊法古皇后用衣服後周有司服奄中士下士皇后衣十二等隋煬帝命

牛宏制后服四等唐內官有尙服二人掌供內服用朱章之數後唐明帝置司衣封夫人縣君宋因之金有尙服夫人司衣御侍元內庭近侍有尙服奉御明尙服局有尙服女使二人

縫人漢有御府典官婢作藝衣服補浣之事魏晉猶置其職江左乃省焉後周有縫工上士中士宋眞宗改鍼線院爲裁縫院元豐後曰裁造院掌裁造服飾監官二人以京朝官及內侍充金有司製典製等女使掌裁縫纂組之事明鍼工局掌造內府衣服設大使副使各一

追師唐內官有司衣二人掌衣服首飾後唐及宋有司飾等封夫人縣君金有司飾典飾御侍元有尙輦尙飾奉御明尙



服局司飾掌飾典飾各二人

履人後周皇后諸夫人皆舄履唐尙服所供惟見青鞵舄明  
洪武十二年設尙履監令丞各一人  
夏采後周有夏采下大夫屬春官府

古今通考

卷一

三